



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2184-20/25 – ME/SA

Tuzla, 29.12.2025. godine

Na osnovu člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja dijagnostičkih pretraga za 2026. godinu iz Zapisnika o izmjeni i dopuni Zapisnika o pregledu i ocjeni ponuda broj: 03-11-1-2184-17/25 – SA/SA od 29.12.2025. godine, donosi se

### **O D L U K A**

#### **o stavljanju van snage Odluke o izboru ponuđača u postupku nabavke dijagnostičkih pretraga za 2026. godinu LOT 1 - CT dijagnostika ambulantne usluge**

#### **I**

Stavlja se van snage Odluka o izboru ponuđača u postupku nabavke dijagnostičkih pretraga za 2026. godinu LOT 1 - CT dijagnostika ambulantne usluge broj: 03-11-1-2184-7/25-BA/SA od 15.12.2025. godine prema preporuci Komisije za provođenje postupka ugovaranja dijagnostičkih pretraga za 2026. godinu.

#### **II**

U skladu sa članom 70. stav (6) Zakona o javnim nabavkama, ova Odluka objavit će se na zvaničnoj internet stranici Ugovornog organa ([www.zzotk.ba](http://www.zzotk.ba)) istovremeno sa upućivanjem svim učesnicima u predmetnom postupku.

#### **III**

Odluka stupa na snagu danom donošenja.

### **OBRAZLOŽENJE**

Nakon pregleda i ocjene ponuda dostavljenih u postupku nabavke dijagnostičkih pretraga za 2026. godinu LOT 1 - CT dijagnostika ambulantne usluge, Komisija je sačinila Zapisnik o pregledu i ocjeni ponuda broj: 03-11-1-2184-3/25 – BA/SA od 15.12.2025. godine u kojem je navedena analiza dostavljenih ponuda i data preporuka Ugovornom organu.

Ugovorni organ je na osnovu preporuke komisije donio Odluku o izboru ponuđača broj: 03-11-1-2184-7/25-BA/SA od 15.12.2025. godine, te istu dostavio svim učesnicima u predmetnom postupku. Nakon dostavljene Odluke o izboru, jedan od ponuđača je izvršio uvid u ponude te aktom broj: 02-1514-2-2/25 od 23.12.2025. godine (zaprimljen 26.12.2025. godine) obavijestio Ugovorni organ o uočenim nepravilnostima, odnosno da jedna ponuda ne sadrži traženo odobrenje nadležnog ministarstva.

U skladu sa navedenim Komisija je ponovo izvršila pregled i ocjenu ponuda te utvrdila da jedna ponuda ne sadrži traženo odobrenje nadležnog ministarstva da ispunjavaju propisane uslove u pogledu kadra, prostora i opreme, odnosno da ispunjavaju i druge zakonom propisane uslove za obavljanje odobrene djelatnosti.

Dana, 29.12.2025.godine sačinjen je Zapisnik o izmjeni i dopuni Zapisnika o pregledu i ocjeni ponuda broj: 03-11-1-2184-17/25 - SA/SA od 29.12.2025.godine u kojem je data preporuka Ugovornom organu da donese Odluku o stavljanju van snage Odluke o izboru.

Uzimajući u obzir navedeno, odlučeno je kao u dispozitivu Odluke.

#### **POUKA O PRAVNOM LIJEKU:**

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

#### **Dostavljeno:**

1. Ponuđačima (e-mail)
2. a/a



**DIREKTOR**

**Doc.dr.sc. Denis Husić, dipl. pravnik**